

րիններում բոլորովին կտրւած լինելով Անդրկովկասից, սկսեց աւելի քիչ բան հասկանալ Անդրկովկասում տեղի ունեցած անցքերից, առաւել ևս Անդրկովկասի ծայրամաս Հայաստանից: Բացի դրանից, անհեթեթ գաղափար ունէին կազմած և նրա դերի մասին, վերջին տարիներս, նոյնիսկ խորհրդային կառավարութեան պատասխանատու ներկայացուցիչները:

Ինչ վերաբերւում է հայ կոմունիստներին, դրանց մի մասը Հայաստանից կտրւած լինելու պատճառով նոյնպէս ոչ մի տեղեկութիւն չունէր Հայաստանի ու նրա ազգարնակութեան ծանր կացութեան մասին, իսկ միւսներն էլ դէպի Դաշնակցութիւնը ասած ատելութիւնից կուրացած՝ դիտաւորեալ չափազանցրած միտումաւոր լուրեր էին տարածում ի վնաս հարազատ երկրի: Ռուսնձնապէս այդ ուղղութեամբ ոչ էին տալիս Բազուի, Վլադիկաւկազի, Ռոստովի և այլ դաւառական քաղաքների հայ կոմունիստները: Պատուիրակութիւնը ստիպւած էր շատ ժամանակ և աշխատանք վատնել, որպէսզի ցրի Հայաստանի ու հայ ժողովրդի վրա հիւսւած այդ ստերի ու բամբասանքների պատմութիւնը:

Հայերի և հայ կոմունիստների մէջ կարգացած մի շարք գեկուցումներից, տեղական թերթերում տւած մի շարք յօդւածներից ու պաշտօնական գեկուցումներից յետոյ, պատուիրակութեան յաջողեց նպաստաւոր տրամադրութիւն ստեղծել Մոսկւայի հասարակական ու կառավարական շրջաններում և բռնել իսկական բոյնը այն բոլոր ստերի, որ այնքան անպատկառօրէն տարածել են կոմունիստ կոչեցեալ թուրքերն ու թաթարները՝ ռուս հասարակութիւնը մոլորեցնելու համար՝ նպատակ ունենալով ռուսական կարմիր բանակի օգնութեամբ իրագործել իրենց հակահայկական ծրագրերը: Այդ ծրագրերը իրագործելու համար, ինչպէս յայտնի է, Բազուի թաթարները սկզբում խորհրդային իշխանութիւն մտցրին Բազուում. յայտարարելով իրենց բոլշևիկներ՝ Սուլթանովներն ու նրանց ընկերները ռուսական կարմիր բանակի անւան տակ իրենց թաթարական ասկերաներից կազմւած գնդեր մտցրին Ղարաբաղի խորքերը՝ ընաջնջելու համար հայ գիւղացիութիւնը, շարունակելով այն քաղաքականութիւնը, որ այնքան փայլուն կերպով սկսւած էր նախ քան բոլշևիկների գալը մուսաւաթական կառավարութեան կողմից»:\*)

\*) Իսկ թէ Մոսկւայում երգնկեանն ու Փիրումեանը իրենք ի՞նչպէս են ներկայացրել Հայաստանը կամ ի՞նչպէս կատարել իրենց վրա դրւած պարտականութիւնը Ղարաբաղի վերաբերմամբ, երևում է «Մշակ»-ի № 14 և 16-ում տպւած «Ի՞նչպէս պաշտպանեցին Ղարաբաղի շահերը» յօդւածից: Արտագրեմք հետեւեալ կտորը. «Թի-երկու ամիս առաջ Ղարաբաղի կոմիտէն յանձնարարում է Ար. Երզնկեանին և Սիմ. Փիրումեանին ղնալ Մոսկւա և պաշտպանել խորհրդային կառավարութեան առաջ Ղարաբաղի հայութեան շահերը: Թէ ի՞նչպէս են կատարել Երզնկեանը և Փիրումեանը իրենց տրւած յանձնարարութիւնը, ցոյց է տալիս նրանց կողմից խորհրդային իշխանութեան ներկայացւած և թարգմանելու արժանի գեկուցադիրը: Նրա մէջ՝ Երզնկեանը և Փիրումեանը խեղաթիւրելով պատմական փաստերը՝ կաշից դուրս են դալիս ապացուցելու, որ այս երկու-երեք տարւայ ընթացքում Ղարաբաղը կուել է մեծամասնական դադափարների համար, սպասել է մեծամասնականներին և ոչ թէ դիտաւորապէս արին է թափել արիւնոուշտ Ազրբէյջանից աղաւելու և Հայաստանին միանալու համար: Արտակարգ հետաքրքրութիւն և ուշադրութիւն է գրաւում այդ գեկուցադիր մէջ արտայայտւած այն միտքը, թէ Ղարաբաղի հայ գիւղացիութիւնը իր «եօթը համադրումըներում, ղէնքը ձեռքին պաշտպանել է իր հողն ու ինքնորոշման իրաւունքը՝ համարելով վատթարագոյն դէպքում աւելի ընդունելի միանալ մանր բուրժուական Հայաստանին, քան բուրժուական-կալւածատիրական Ազրբէյջանին»: Դուրս է դալիս, որ Ղարաբաղի հայ գիւղացիութեան համար չարիք է իր երկիրը Հայաստանին միացնելը»...